

ANIJ EAR KŌJPAROK RO RI ISRAEL ILO IJIPT IM KĀĀLŌT MOSES BWE EN TŌL ISRAEL IM LŌMŌQREN ER

Köttōpar ko an katak in:

- Kwaļok bwe Anij e jeļā men otemjej, im Ej irooj ioon men otemjej.
- Kwaļok bwe Jetan e kōņaan kōkkure plan in Anij ñan lōmōqren armej.
- Kwaļok bwe ejjeļok e maroņ kōkkure ak bōbrae pepe ko an Anij.
- Kwaļok bwe Anij wōt e maroņ lōmōqren armej jān jerōwiwi im Jetan. Armej re bane.

Meļeļe ko reļap ilo katak in:

- Jen kile bwe je maroņ tōmak Anij, bwe Ej kōmman men ko Ej ba.
- Jen reiļok ñan Anij wōt bwe en wor ad lōmōqor.
- En ļap ad mijak im nōbar Anij.
- En emmanļok ad meļeļe kōn Anij.

Kiiō jej katak jān book eo kein ka ruo ilo Baibōļ: Exodus. Naan in “exodus” meļeļein “diwōjļok,” im ilo book in jej lo ro ri Israel diwōjļok jān Ijpt kōn kajoor an Anij.

Ilo ad katak bwebwenato in, jen keememej jilu men:

(1) Men ko ilo Baibōļ raar mool in waļok.

Bwebwenato eo kōn an ro ri Israel diwōjļok jān Ijpt ej juon bwebwenato me elōñ iaan book ko jet ilo Baibōļ rej kōnono kake.

Emōj an elōñ scientists im ro rej kōb ilo laļ (archeologists) ka mool elōñ iaan men ko me rej waļok ilo bwebwenato in.

(2) Enaaj ļap ad katak kōn Anij ilo bwebwenato in.

Manit ko ad rej kwaļok mwilōd im būruōd, im manit ko an Anij rej katakin kōj kōn E.

(3) Anij e jab oktak, im Anij eo ear jermal ippān ro ri Israel ej bar jermal rainin, im Ej mool, jimwe, im tiljek wōt.

1. Ro ri Israel raar orļok im jeraamman.

Jemān Josep, Jakob (āt eo juon: Israel), jemjein jemjatin Josep, im aolep baamle ko aer raar etal ñan Ijpt bwe ren pād ippān Josep im jab jorrān ilo ñūta eo.

- Ālikin ñūta eo im ālikin an Israel mej, Josep im ro jemjein jemjatin raar mour wōt ilo Ijpt.
- Raar jab roļ ñan āne eo (Kenan) me Anij ear kallimur in leļok ñan Ebrean, Aisak, im Jakob.
- Josep im aolep ilo epepen eo an raar mej ilo Ijpt.

Emōj an eļļā e nañin 350 iiō jān iien an Israel itok ñan Ijpt ñan iien an men kein waļok ilo jinoin book in Exodus.




Exodus 1:6,7 Im ear mej Josep, im ro jein im jatin otemjej, im aolepen epepen eo. Im ro nejn Israel re timon, im lōñļok wōt im orļok, im kanooj kajoorļok, im āneo e obrak kake er.

E kar emman an ro ri Israel mour. Raar orlok wot bwe en kanoj lon ri Israel (e maron epaak nan 2 million ri Israel). Kab, raar mweie lok im elon aer menninmour. Ro ri tol an Ijpt raar jouj nan er ilo jinoin.

2. Juon kiin ekal ear dike ro ri Israel.



Exodus 1:8-11 Im e walok juon kiin ekal ioon Ijpt, eo ear jab jel Josep. [9] Im ear ba nan ro doon, "Lo, armej ro nejin Israel, re lonlok im re kajoor jan koj. [10] Komwin itok; jen komman nan er ilo malotlot, ne ab re orlok, innam ne e walok jabdewot tarixae renaaj koba ippan ro rej jumae koj, im renaaj tarixae koj, im wanlonlok jan anin." [11] Kon men in, raar likut ier elon ri lale aer jermal, bwe ren kejjoran er kon inek ko aer. Im raar kalok nan Pero jikin kweilok ko jikin mweik, Paitom im Ramisis.



E kar pen an ro ri Israel mour. Eita? Anij ear meloklok er ke? Ewi kallimur eo kon aer jolot ane eo im bwe en wor juon Ri Lomoor? Je jela bwe Anij e tiljek, im Ej kojparok kallimur ko an.



Exodus 1:16 Im ear ba nan er [kora, ri kemour ro], "Ne komij jipan kora ro ri Hibru ne rej kalotak, im lo er ioon jikin keotak, elanne laddik, komwin man e; a elanne leddik, en mour wot."

Pero ear konaan bwe en jako aolep laddik in Israel. Ilo am lomnak, won ear likut ilo buruon Pero (kiin eo) bwe en komman aindein? Jetan. Ear konaan kokkure ro ri Israel. Etke? Jetan e jela bwe elanne ear lot bwijin Ebrean innam e ban kar lotak Ri Kapit eo. Im ne ejab lotak Ri Kapit eo, innam Jetan e ban jorran. Kab, Jetan e jab konaan bwe armej ren bok lomoor jan jerowiwi ko aer.

Ilo Jenesis 3:15 Anij ear ba nan Jetan bwe Ri Lomoor eo enaaj itok im kokkure boran. Jetan ear jela bwe juon Ri Kapit enaaj walok jan bwijin ro ri tomak. Kon men in ear kate e kokkure bwij in. Ear man Ebel, botab Anij Ear kajutak Seth. Kii e konaan man ri Ju bwe en jab lotak Jijej. Enaaj ke toprak konaan eo an Jetan?

3. E lotak Moses.



Exodus 2:1-4 Im juon emman jan bwijin Livai ear ilen bok juon kora nejin Livai bwe en paleen. [2] Im kora eo ear etta, im keotak nejin laddik, im ke ear lo bwe e wulio, ear nooje iumwin jilu allon. [3] Im ke e ban nooje wot, innam ear bok nan e juon iep komman jan wujooj, im ear wunook e kon pitch im bwil; im ear kababu niinin eo ilowaan, im likut e i bwiljin koba ko iturin river eo. [4] Im ledik eo jein ear jutak ettolok, bwe en jela ta eo enaaj walok nan e.

Jeman im jinen ladik eo raar loke Anij bwe En kojparok e.

4. Ledik eo nejin Pero ear kaajiririk e Moses.



Exodus 2:5 Im lio nejin Pero ear wanlaļļok ñan river eo bwe en tutu; im jiroñ ro, ri karijeran lio, raar etetal iturin river eo. Im lio ear lo iep eo i bwiljin koba ko, im ear jilkinļok juon karijeran kōrā bwe en bōktok e.



Ejab jabdewōt armej eo ear lo niñniñ eo. Juon armej e ka-nooj utiej ear loe. Kōrā eo nejin Pero ear loe im kōṇaan bōk e. Kōn men in raar jab ṁan Moses. Barāinwōt Moses enaaj lukkuun utiej im ṁweie kōnke armej re naaj watōk e lukkuun nejin Pero. Bōtab, eļaññe Moses ear rūtto ļok ippān ri Ijpt, enaaj ewi wāween an jeļā kōn Jeova? Jeova ej lale men otemjej.



Exodus 2:7,8 Innām ledik eo jein ear ba ñan lio nejin Pero, “In ilen kūrtok ñan kwe juon ri kaninnin iaan kōrā ro ri Hibru, bwe en kōkaajiririk e ñan kwe ke?” Im lio nejin Pero ear ba ñan e, “Kwōn ilok.” Innām jiroñ eo ear ilem kūrtok jinen niñniñ eo.

Ilo karōk im pepe eo an Anij, Mose ear rūtto ļok ippān jinen make. Kōrā eo nejin Pero ear kapeke jinen Moses bwe en kaninnin e im lale. Kiiō lukkuun jinen ear maroñ katakin e kōn men ko an Anij.

- Anij ear pepe in kajerbal Moses bwe en lōmṁoren ro ri Israel jān er pād im ri kamakoko.
- Anij ear jeļā bwe Moses enaaj katak elōñ men ilo ṁōn Pero, im men kein renaaj jipañ e ñe ej tōl ro ri Israel.

* **Anij e tiljek, im E jab oktak.**

E kajoor Anij. Ejjeļok men e maroñ kabōjrak E. Jetan, tiṁoṁ, im ro reļap ilo laļ in re jab maroñ kabōjrak Anij. Kab, Anij e maroñ ukōt jorrāan ko reļap bwe jeraaṁṁan ko ren waļok jāni.

* **Anij e kajoor jān aolep.**

Anij e mālōtlōt im E jouj. Ear lale ro doon, Israel, ke raar pād ilo eñtaan. Je maroñ lōke E bwe En maroñ lōmṁoren kōj jān kajoor an Jetan im jerōwiwi im jān mej indeeo.

5. Moses ear urōt e juon eṁṁaan.



Exodus 2:11,12 Im ilo raan ko ke Moses e rūtto, ear ilok ñan ippān ro jein im jatin, im lale eñtaan ko aer. Im ear lo juon ri Ijpt ke ej ṁan juon ri Hibru, juon iaan ro jein im jatin. Im ear reito reitak, im ke ear lo ejjeļok armej, ear ṁan ri Ijpt eo, im ṁooj e ilo bok.

Bōlen Moses ear eñjake bwe Anij ear kōṇaan kajerbal e ñan jipañ ri Ju ro. Bōlen ear lōmṁak bwe ear maroñ jipañ Anij. Meñe Moses ear juon ri Ju aolep raar watōk e lukkuun nejin Pero. Moses ear utiej im ṁweie. Ear jeļā kajin Ijpt im ṁantin Ijpt. Jej ba wōt bwe enaaj tōprak plan eo an Anij kōnke Moses e kajoor im utiej. Bōtab, ear jab tōprak. Moses ear ṁan juon ri Ijpt im ṁooje ānbwinnen ilo bok. Kōn

an aolep armej jelā kake men in, ear ko jān Ijpt. Wōn ejab ba e ban tōprak plan an Anij?

- Armej in Israel raar jab maroñ make lomoḡoren er.
- Raar jab maroñ ko.
- E jab tōprak an Moses kajjioñ jipañ er.
- Anij wōt ear maroñ jipañ er.

Āinwōt an ro ri Israel pād im ri kaḡakoko ilo Ijpt, jej ri kaḡakoko iuḡwin jerōwiwi. Ro nejier raar ri kaḡakoko ke raar lotak, im jej aolep lotak ri kaḡakoko in jerōwiwi. Je jab maroñ make lomoḡoren kōj jān jerōwiwi. Ejjeļok ri kaki e maroñ lomoḡoren kōj. Anij wōt e maroñ lomoḡoren kōj jān ad pād im ri kaḡakoko iuḡwin Jetan im jerōwiwi.

6. Anij ear kūr Moses, juon armej ettā.


Moses e kar pād ilo āne jemaḡaden ettoļok jidik jān Ijpt. Ijo e kar iioon juon kōrā im pālele ippān, im ear wor ruo nejier. E kar 40 an Moses iiō ke ear ko jān Ijpt, im ear pād ilo āne jemaḡaden eo iuḡwin bar 40 iiō. Kiiō, 80 an iiō.

* **Anij e kajoor jān aolep.**



Exodus 3:1-3 Im Moses ear lale bwijin sip an Jetro, jemān lio, pris in Midian, im tōļļok bwij eo ñan jabōn tata in āne jemaḡaden eo, im ear itok ñan toļ in Anij, ñan Horeb. [2] Im enjeļ an Jeova ear waļok ñan e ilo urur in kijeek, jān bwiljin juon wōjke ettā; im ear kallimjek e, im lo, wōjke eo ear urur kōn kijeek, ak wōjke eo ear jab bwil.

[3] Im Moses ear ba, “Inaaj jeor kiiō, im alwōj men in bwilōñ in eļap, etke wōjke eo e jab bwil.”



E jab men in kabwilōñlōñ bwe juon wōjke ear urur kōn kijeek. Men eo e kabwilōñlōñ ej bwe e jab bwil im jako. Anij e kajoor, im E maroñ kōḡḡan jabdewōt men E kōḡaan.



Exodus 3:4 Im ke Jeova ear lo an jeor bwe en alwōj, Anij ear kūr ñan e jān bwiljin wōjke eo, im Ear ba, “Moses, Moses.” Im ear ba, “Ña e.”

Moses ear jaje bwe Anij ear pād ilo wōjke eo ḡae iien an Anij kōnono ñan e jān wōjke eo. Ilo ḡool, Anij ej pād ijoko otemjej, ak E maroñ kōḡḡan bwe ainikien en waļok jān juon jikin ñe E kōḡaan.



Exodus 3:5,6 Im Ear ba, “Kwōn jab ruwaaktok; kwōn utūk juj ko jān neōḡ, bwe jikin ñe kwōj jutak ie, bwidej e kwōjarjar.” Barāinwōt Ear ba, “Ña Anij an jemaḡ, Anij an Ebrean, Anij an Aisak, im Anij an Jakob.” Im Moses ear ḡooj turin mejān, bwe ej lōļḡoñ in lo Anij.

* **Anij e kwōjarjar im wānōk.**

Anij ear kōḡaan bwe Moses en kile bwe e juon armej wōt, im bwe eļap an utiej im kwōjarjar Anij.



Exodus 3:7-10 Im Jeova ear ba, “E mool Iar lo eñtaan an ro Doō rej pād i Ijpt, im Iar roñjake aer lamōj kōn ro rej kamakokoik er, bwe I jeļā būromōj ko aer, [8] Im emōj Aō wanlaltok bwe In lōmōor er jān pein ro ri Ijpt, im bwe In āñinļok er jān āneo ñan juon āne emman im e depakpak, ñan juon āne e bwijlelep kōn milk im hōnni; ñan jikin ri Ke-nan, im ri Het, im ri Amor, im ri Periz, im ri Hiv, im ri Jibus. [9] Im kiiō, lo, lamōj an ro nejin Israel ear wanlōñtok ñan Ippa; barāinwōt Iar lo eddo eo ro ri Ijpt rej kaeñtaan er kake. [10] Innām kwōn itok, im Inaaj jilkinļok eok ñan ippān Pero, bwe kwōn āñinļok ro Doō, ro nejin Israel jān ilowaan Ijpt.”

Anij ej kālōt im kajerbal eo im E kōñaan bwe en kōmman ankilaan. Ñe e jejjet ien bwe Anij en kōmman plan im pepe ko An, ejjelok e maroñ in kabōjrak E. Anij ear kōnnaanōk Moses bwe emōj An kālōt e ñan lōmōoren ro ri Israel im tōl er ñan āne in kallimur eo.

Ke Moses ear make kajjioñ in jipañ ro ri Israel, ear jab tōprak. Ak kiiō enaaj tōprak, bwe enaaj jermal an Anij.

Etke Anij ear jab kūr Moses ke ear juon ri utiej ilo Ijpt?

- Ke Mose ear ilo Ijpt, ear joñan wōt juon lukkuun nejin Pero. Ilo āne jemaden ear juon armej āinwōt ro jet.
- Ilo Ijpt, eļap an kar utiej. Ilo āne jemaden eļap an ettā.
- Ilo Ijpt, ear mweie. Ilo āne jemaden, ear jerañol.
- Ilo Ijpt ear nejin juon kiiñ. Ilo āne jemaden ear juon ri lale sheep.

Etke Anij ear jab kūr Moses ke ear juon ri utiej? Kōnke E kōñaan katakin kōj juon men e aōrok ikijjien wāween An lōmōoren armej. Lōmōor ej jermal wōt an Anij. Ejjelok armej e maroñ wānōk jān jerowiwu ko an kōn an jermal ñan Anij. Anij e ban bōk jadbewōt armej ñan lañ kōn jadbewōt jermal emman ej kōmmane.

Anij ear kūr Gideon ke elōñ 30,000 jima ti tariṅae ippān ke? Ekar jab! Anij ear kattar mae ien elōñ 300 wōt ri tariṅae. Anij ejab watōk maroñ ko an armej. Anij wōt e kajoor. Anij wōt e maroñ lōmōoren armej.

E jej ir jān Sara im bar Jekōb. Sara ear lōmṅak bwe ear maroñ in jipañ Anij kōn an leļok Hegar ñan Ebrean. Jekōb ear lōmṅak bwe ear maroñ in jipañ Anij kōn an koote maanje eo. Etke Anij wōt e maroñ lōmōoren kōj? Kōnke kōj ri ban. Jej obrak kōn jerowiwu im nana.

7. Anij ear kūr Moses, juon ri uror.



Exodus 3:11,12 Im Moses ear ba ñan Anij, “Wōn ña, bwe in ilok ñan ippān Pero, im bwe in āñinļok ro nejin Israel jān Ijpt?” Im Ear ba, “E mool Inaaj pād ippam, im men in enaaj kakōļle ñan kwe bwe Iar jilkinļok eok: ñe emōj am āñintok armej ran jān Ijpt, komnaaj karijer ñan Anij ilo toļ in.”

Moses ear mijak, ak Anij ear kallimur ñan e bwe Enaaj pād ippān. Kab, Anij ear leļok ñan e juon kakōļle bwe enaaj tōprak. Ijo raar pād ie, toļ Sainai, im Anij ear ba bwe ñe emōj āñintok armej jān Ijpt,

renaaj bar itok ñan ejja jikin eo wõt ilo to! Sainai.

Enañin aolep kabuñ rej watōk uror juon jerōwiwi e!ap. Jet rej tōmak bwe joñan an nana juon ri uror, e ban mour indeeo ilañ ippān Anij. Ñe e mool men in, innām Moses e ban kar mour ilañ. Ta am̄ lōm̄nak? Anij ear lōmoḡren Moses ke? Ekwe, e!añne Moses ear jab erom juon rū wānōk innām Anij e ban kar kapeek e bwe en tōl ri Ju ro im e ban kar wa!ok ippān Jijej ilo to! Olivet. Anij ear nōbar Moses im kōnono ippān. Anij ear lōmoḡren Moses. Ak wōn ear kōllā kōn nana ko an Moses? Jijej Kūraij. Aolep kain jerōwiwi Anij e maroñ ju!oki.

8. “Ña E”



Exodus 3:13 Im Moses ear ba ñan Anij, “Lo, ñe inaa! ilok ñan ippān ro nejin Israel im naaj ba ñan er, ‘Anij an ro jim̄mami Ear jilkinwōj eō ñan koḡ,’ im renaaj ba ñan eō, ‘Āt rōt Etan?’ Ta eo inaa! ba ñan er?”

Moses ear mijak wõt. Kar mo!kta, ear kajjioñ jipañ, im e jab tōprak. Bōtab kiiō, enaa! Anij eo ej jer-bal.

* **Anij e utiej jān aolep im Ej irooj ioon aolep men.**



Exodus 3:14 Im Anij ear ba ñan Moses, “ÑA EO, ÑA E,” im Ear ba, “Āindein am̄ naaj ba ñan ro nejin Israel, ‘ÑA E, Eo ear jilkinwōj eō ñan koḡ.’”

Ilo tōr eo an Baibō! , ewor me!e!ein āt ko. “Moses” me!e!ein “bōk jān dān” kōnke kōrā eo nejin Pero ear bōk Moses jān river eo.

Bōtab, enaa! ewi wāween bwe en wor juon etan Anij, bwe ejjelok juon āt e maroñ kōmme!e!e kōn E. Ñaan in, “Ña E,” ej juon naan ilo kajin Hibru. E me!e!ein bwe Anij ej pād. Aolep men rej ilo E. Ejjelok An aikuj, bwe Ej make pād jān indeeo ñan indeeo. Ear kōm̄anm̄an men otemjej im le!ok mour ñan aolep men. Aolep men rej aikuj E.

Anij ear ba ñan Moses bwe E, Eo ej Irooj ioon aolep men im pād iien otemjej, Enaa! lōmoḡren ro ri Israel jān Ijipt. E wõt e maroñ kōm̄mane.

Jidik kōmme!e!e kōn “Jeova”

Ilo kajin Hibru, leta ko me rej ilo naan in, “Ña E,” rej **y - h - w - h**. Emān wõt leta. Ilo kar iien eo, raar jab je vowel ko ke raar jeje, kōn men in, jej lo wõt leta kein, consonant kein emān. Iumwin elōñ iiō, ro ri Israel raar mijak in ba etan Anij. Kōn men in, armej kiiō re jaje wāween ba etan Anij. Elōñ me rej mōkade kōn kajin Hibru rej lōm̄nak bwe ej **Yahweh**.

Ilo iien etto, ke armej raar ukok Baibō! ñan bar jet kajin, raar jaje ba y im w. Ilo wāween aer ba, rej ba **j - h - v - h**. Innām raar kobaik vowel ko jān bar juon naan, “Adonai,” me ej me!e!ein Irooj, im e pād ilo Baibō! ilo kajin Hibru ñe ej ba bwe Anij ej Irooj. Wāween aer ukōt men kein ñan kajin Palle, raar ba **Jehovah**, im eñin unin an wa!ok **Jeova** ilo Baibō! in Maje! kiiō. Je je!ā bwe e jab lukkuun jim̄we “Jeova,” bwe ej kobaik ruo naan ippān doon. E maroñ jim̄we !ok “Yahweh,” bōtab ejjelok jorrān ñe jej ba Jeova, bwe armej re me!e!e.



Exodus 3:19,20 Ak I jeḷā bwe kiiñ in Ijipt e jāmin kōtḷok koṃ; jab kōn jabdewōt pā e kajoor. Innām Inaaj erḷokwe peiō, im deñḷoke Ijipt kōn men in bwilōñ ko Aō otemjej, ko Inaaj kōṃṃane ilujen, im tokālik enaaj kōtḷok koṃ.

*** Anij e jeḷā men otemjej.**

Anij ear jeḷā ta eo kiiñ in Ijipt enaaj ba im kōṃṃane. Anij e jeḷā aolep ḷōmṃak, naan, im kōṃṃan ko ad. Anij wōt e maroñ ḷoṃṃoren armej.

Kajjitōk ko

1. Jetan ear kōṃṃaan koṃṃure wōn?
2. Bwe?
3. Pero in Ijipt ear kōṃṃan ta ñan ri Ju ro?
4. Ewi bar juon men in Pero eo ear kōṃṃane ñan ri Ju ro bwe ren jako ḷok?
5. Jinen Moses ear kōṃṃan ta ñan e bwe ren jab ṃan e?
6. Wōn ear loe Moses im bōk e bwe en nejin?
7. Eḷak Moses rūtto ḷok innām ear kōṃṃan ta ñan juon bar ri Ijipt?
8. Etke ear ṃan e?
9. Ñaat eo im Anij ear kūr Moses ñan ḷoṃṃoren ri Ju ro?
10. Etke Anij ear jab kūr Moses ke ear juon ri utiej ilo aelōñ an ri Ijipt?
11. Ewi jerōwiwi eo eḷap im Moses ear kōṃṃan e?
12. Etke Anij ear kūr juon ri uror bwe en ḷoṃṃoren ri Ju ro?
13. Ewi etan Anij, im ta meḷeḷein?
14. Ro ri Israel raar maroñ in make ḷoṃṃoren er jān Ijipt?
15. Wōn e maroñ ḷoṃṃoren armej jān kajoor in jerōwiwi im oṃean jerōwiwi?